



Broj: 02-50-1-16-47/10

Sarajevo, 24.6.2010.

ZAPISNIK

47. sjednice Doma naroda

Parlamentarne skupštine Bosne i Hercegovine, održane 24.6.2010.

Sjednica je počela u 11,10 sati.

Sjednicom je predsjedavao Sulejman Tihić, predsjedavajući Doma naroda Parlamentarne skupštine BiH.

Sjednici je prisustvovalo 13 delegata.

Delegati Hilmo Neimarlija i Alma Čolo opravdali su odsustvo.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija te sredstava javnog informiranja.

Dom naroda jednoglasno je usvojio sljedeći izmijenjeni i dopunjeni

D N E V N I R E D

1. Odgovori na delegatska pitanja i delegatska pitanja;
2. Usvajanje Zapisnika 46. sjednice Doma naroda;
3. Zahtjev Vijeća ministara BiH za razmatranje Prijedloga zakona o izmjenama i dopunama Zakona o graničnoj kontroli po hitnom postupku, u skladu s članom 122. Poslovnika;
4. Prijedlog zakona o izmjeni i dopunama Zakona o carinskoj politici Bosne i Hercegovine (drugo čitanje), predlagač: Vijeće ministara BiH;
5. Prijedlog zakona o izmjenama i dopunama Zakona o finansiranju političkih partija (drugo čitanje), predlagači: delegati Dušanka Majkić, Ilija Filipović i Hazim Rančić;

6. Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma (drugo čitanje), akt Ministarstva za ljudska prava i izbjeglice, broj: 01–37–310/10, od 15.2.2010.;
7. Prijedlog zakona o izmjenama Zakona o javnim nabavkama Bosne i Hercegovine (prvo čitanje), predlagač: Predstavnički dom;
8. Prijedlog zakona o izmjenama i dopunama Zakona o polaganju pravosudnog ispita u Bosni i Hercegovini (prvo čitanje), predlagač: Vijeće ministara BiH;
9. Prijedlog izmjena i dopuna Kodeksa ponašanja poslanika i delegata u Parlamentarnoj skupštini BiH (prvo čitanje), predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku;
10. Izvještaj o radu Državne regulatorne komisije za električnu energiju u 2009. godini;
11. Izvještaj o radu Upravnog odbora Izvozno-kreditne agencije Bosne i Hercegovine za 2009. godinu;
12. Izvještaj o zaštiti ličnih podataka u Bosni i Hercegovini;
13. Izvještaj o radu Državne agencije za istrage i zaštitu (SIPA) za 2009. godinu, sa Izjašnjenjem o određenim pitanjima;
14. Izvještaj o radu Nezavisnog odbora kao nezavisnog tijela policijske strukture u BiH za 2009. godinu i Plan rada Nezavisnog odbora kao nezavisnog tijela policijske strukture u BiH za 2010. godinu;
15. Informacija o stanju sigurnosti u Bosni i Hercegovini u 2009. godini;
16. Informacija o radu Tužilaštva Bosne i Hercegovine za 2009. godinu;
17. Imenovanje pet članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje su izrekli u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom, čiji je potpisnik BiH, ili drugi sud u skladu sa zakonom BiH (prijedlog liste kandidata Privremene zajedničke komisije oba doma, 30.3.2010.);
18. Imenovanje vršioca dužnosti direktora Agencije za prevenciju korupcije i koordinaciju borbe protiv korupcije;
19. Utvrđivanje smjernica za djelovanje privremenim delegacijama koje, u ime Bosne i Hercegovine, učestvuju na međunarodnim skupovima – predlagač delegat Slobodan Šaraba;
20. Prijedlog za imenovanje članova iz Doma naroda u Interresornu radnu grupu koja bi radila na izmjeni (akt Ministarstva pravde BiH):
 - Zakona o ministarstvima i drugim organima uprave BiH,
 - Zakon o Vijeću ministara BiH,

- Zakona o državnoj službi u institucijama BiH,
 - Zakona o reviziji institucija BiH,
 - Zakona o upravi,
 - Zakon o javnim nabavkama BiH;
21. Davanje saglasnosti za otkazivanje Evropske konvencije o zaštiti arheološke baštine, usvojene u Londonu 6.5.1969.
 22. Davanje saglasnosti za ratifikaciju Sporazuma o vojnom grantu između Vijeća ministara BiH i Vlade Republike Turske, Provedbenog protokola o finansijskoj pomoći između Ministarstva odbrane BiH i Generalštaba Republike Turske i Logističkog provedbenog protokola između Ministarstva odbrane BiH i Generalštaba Republike Turske;
 23. Davanje saglasnosti za ratifikaciju Sporazuma o finansiranju i projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća “Elektroprivreda Hrvatske zajednice Herceg-Bosne” d.d. Mostar (EPHZHB) za projekat „Dopunske mjere za Vjetroelektranu 'Mesihovina““;
 24. Davanje saglasnosti za ratifikaciju Evropske povelje o regionalnim i manjinskim jezicima – Strasbourg, 5.11.1992.;
 25. Davanje saglasnosti za ratifikaciju Sporazuma između Vijeća ministara BiH i Vlade Republike Francuske o saradnji u oblasti unutrašnje sigurnosti;
 26. Davanje saglasnosti za ratifikaciju Sporazuma o zajmu između Bosne i Hercegovine i Evropske banke za obnovu i razvoj – *Projekat plinifikacije Srednjobosanskog kantona*;
 27. Davanje saglasnosti za ratifikaciju Protokola o vodi i zdravlju uz Konvenciju o zaštiti i korištenju prekograničnih vodotoka i međunarodnih jezera iz 1992.;
 28. Davanje saglasnosti za ratifikaciju Ugovora između Bosne i Hercegovine i Svete Stolice o dušebrižništvu katoličkih vjernika, pripadnika Oružanih snaga Bosne i Hercegovine;
 29. Davanje saglasnosti za ratifikaciju Sporazuma o zajmu između Bosne i Hercegovine i Međunarodne banke za obnovu i razvoj – *Projekat za otpadne vode u Sarajevu*;
 30. Davanje saglasnosti za ratifikaciju Sporazuma o zajmu i projektu KfW, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća “Elektroprivreda Hrvatske zajednice Herceg-Bosne” d.d. Mostar za projekat „Vjetroelektrana 'Mesihovina““.

Ad.1. Odgovori na delegatska pitanja i delegatska pitanja

Odgovore na delegatska pitanja dobili su:

Delegat Mladen Ivanić dobio je odgovor na pitanje postavljeno na 42. sjednici Doma naroda.

Delegat Ivo Miro Jović dobio je odgovor na pitanje postavljeno na 44. sjednici Doma naroda.

Delegat Mladen Ivanić izjasnio se da je zadovoljan dobivenim odgovorom na postavljeno pitanje.

Delegat Ivo Miro Jović izjasnio se da je nezadovoljan dobivenim odgovorom na postavljeno pitanje.

Delegat Slobodan Šaraba postavio je sljedeće pitanje predsjedavajućem Vijeća ministara BiH Nikoli Špiriću i Regulatornoj agenciji za komunikacije BiH:

1. Koji su razlozi, zašto Vijeće ministara BiH nije na zajedničkoj sjednici s Vladom Hrvatske pokrenulo pitanje rješavanja spora koji postoji između HET-a i HEP-a a čije je rješenje u nadležnosti organa koji su prije dva dana imali zajednički sastanak i rješavali otvorena pitanja između ove dvije susjedne zemlje?
2. Kada će Telekom Republike Srpske (m:tel) otkloniti kvar na svojoj mreži i time prestati građanima koji su korisnici ovog mobilnog operatera nezakonito uzimati novac na području istočne Hercegovine?

Delegat Dušanka Majkić postavila je sljedeće pitanje Vijeću ministara BiH – Ministarstvo odbrane:

Obrazloženje:

Poznato je da je Ministarstvo odbrane od početka maja 2007. do juna 2008. godine u Ukrajini izvršilo remont 5. kom. helikoptera i to: M-8MTV1 br. 1803, M-8MTV1 br. 2814. Mi – 8T br.272, Mi – 8T br. 369 i M – 17 br.1804.

Izvršilac je bila firma iz Kijeva, koja je pored remonta helikoptera za potrebe OS BiH izvršila i obuku pilota za navedene tipove helikoptera (4 pilota, 2 letača i 9. mehaničara).

Za navedene usluge MO platilo je višemilionski iznos da bi se nedavno utvrdilo da remontovani helikopteri nemaju kvalitet opterećenja za bezbjedno letenje.

Prema informaciji posade ovih helikoptera, remontovani helikopteri bi morali da nose teret od 4,5 t. Sada, nakon završenog remonta konstatovano je da ne mogu podnijeti opterećenje veće od 2,5 t.

Pitanje glasi:

Da li je nakon izvršenog remonta dovedeno u pitanje izvršenje zadataka od strane OSBiH (civilne namjene, mirovne misije itd.) i da li su OS nakon remonta dobile sasvim neupotrebljive

helikoptere za koje je plaćen ogroman novac iz budžeta institucija BiH? Da li su ispoštovane procedure po Zakonu o javnim nabavkama?

Delegat Hazim Rančić postavio je sljedeće pitanje Ministarstvu vanjske trgovine i ekonomskih poslova, Upravi AD Elektroprijenos Banja Luka, Upravnom odboru AD Elektroprijenos Banja Luka.

Da li Uprava i Upravni odbor AD Elektroprijenos Banja Luka rade u skladu sa zakonom?

Ad.2. Usvajanje Zapisnika 46. sjednice Doma naroda

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Zapisnik 46. sjednice Doma naroda.

Ad.3. Zahtjev Vijeća ministara BiH za razmatranje Prijedloga zakona o izmjenama i dopunama Zakona o graničnoj kontroli po hitnom postupku, u skladu s članom 122. Poslovnika

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Slobodan Šaraba, Hazim Rančić, Dušanka Majkić, Ivo Miro Jović i Vinko Dumančić, direktor Granične policije.

Dom naroda, s **jedanaest glasova „za“ i dva glasa „protiv“**, usvojio je Zahtjev Vijeća ministara BiH za razmatranje Prijedloga zakona o izmjenama i dopunama Zakona o graničnoj kontroli po hitnom postupku, nakon čega je, s **jedanaest glasova „za“, jednim glasom „protiv“ i jednim „suzdržanim“ glasom**, Zakon usvojen.

Ad.4. Prijedlog zakona o izmjeni i dopunama Zakona o carinskoj politici Bosne i Hercegovine (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovala Dušanka Majkić.

Dom naroda, s **jedanaest glasova „za“ i dva glasa „protiv“**, usvojio je Zakon o izmjeni i dopunama Zakona o carinskoj politici Bosne i Hercegovine u predloženom tekstu.

Ad.5. Prijedlog zakona o izmjenama i dopunama Zakona o finansiranju političkih partija, (drugo čitanje), predlagači: delegati Dušanka Majkić, Ilija Filipović i Hazim Rančić

Predsjedavajući Doma naroda otvorio je raspravu o ovoj tački dnevnog reda. U raspravi je učestvovala Dušanka Majkić.

Dom naroda, s **jedanaest glasova „za“ i dva „suzdržana“ glasa, usvojio je Zakon o izmjenama i dopunama Zakona o finansiranju političkih partija.**

Ad.6. Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma (drugo čitanje), akt Ministarstva za ljudska prava i izbjeglice, broj: 01–37–310/10, od 15.2.2010.

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Zoran Koprivica, Slobodan Šaraba, Drago Ljubičić, Božo Rajić, Hazim Rančić, Ilija Filipović, dr. Božo Ljubić, Branko Zrno, Sulejman Tihić, Safet Halilović, ministar za ljudska prava i izbjeglice BiH, i Mladen Ivanić.

Dom naroda, s **jedanaest glasova „za“, jednim glasom „protiv“ i jednim „suzdržanim“ glasom, usvojio je** Revidiranu strategiju Bosne i Hercegovine za provođenje Aneksa VII. Dejtonskog mirovnog sporazuma u predloženom tekstu.

Ad.7. Prijedlog zakona o izmjenama Zakona o javnim nabavkama Bosne i Hercegovine, (prvo čitanje), predlagač: Predstavnički dom

Predsjedavajući Doma naroda otvorio je raspravu o ovoj tački dnevnog reda. U raspravi je učestvovala Dušanka Majkić.

Dom naroda **jednoglasno je usvojio u prvom čitanju** Prijedlog zakona o izmjenama Zakona o javnim nabavkama Bosne i Hercegovine čiji je predlagač Predstavnički dom.

Ad.8. Prijedlog zakona o izmjenama i dopunama Zakona o polaganju pravosudnog ispita u Bosni i Hercegovini (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Ivo Miro Jović, Dušanka Majkić, Bariša Čolak, ministar pravde, Hazim Rančić, Branko Zrno, Adem Ibrahimpašić, dr. Božo Ljubić i Mladen Ivanić.

S obzirom da sa **osam glasova „za“, tri glasa „protiv“ i dva „suzdržana“ glasa** Prijedlog zakona o izmjenama i dopunama Zakona o polaganju pravosudnog ispita u Bosni i Hercegovini nije dobio potrebnu entitetsku većinu, slijedi usaglašavanje u Kolegiju kao komisiji.

Ad.9. Prijedlog izmjena i dopuna Kodeksa ponašanja poslanika i delegata u Parlamentarnoj skupštini BiH (prvo čitanje), predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Zoran Koprivica, Božo Rajić i Slobodan Šaraba.

Dom naroda, **sa sedam glasova „za“, tri glasa „protiv“ i dva „suzdržana“ glasa, usvojio je u prvom čitanju** Prijedlog izmjena i dopuna Kodeksa ponašanja poslanika i delegata u Parlamentarnoj skupštini BiH.

Ad.10. Izvještaj o radu Državne regulatorne komisije za električnu energiju u 2009. godini

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Mladen Ivanić.

Dom naroda jednoglasno **je usvojio** Izvještaj o radu Državne regulatorne komisije za električnu energiju u 2009. godini.

Ad.11. Izvještaj o radu Upravnog odbora Izvozno-kreditne agencije Bosne i Hercegovine za 2009. godinu

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali dr. Božo Ljubić i Mirko Dejanović, zamjenik direktora Izvozno-kreditne agencije Bosne i Hercegovine.

Dom naroda jednoglasno **je usvojio** Izvještaj o radu Upravnog odbora Izvozno-kreditne agencije Bosne i Hercegovine za 2009. godinu.

Ad.12. Izvještaj o zaštiti ličnih podataka u Bosni i Hercegovini

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda, s jedanaest glasova “za” i jednim “suzdržanim” glasom, usvojio je Izvještaj o zaštiti ličnih podataka u Bosni i Hercegovini.

Ad.13. Izvještaj o radu Državne agencije za istrage i zaštitu (SIPA) za 2009. godinu, sa Izjašnjenjem o određenim pitanjima

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Branko Zrno, Hazim Rančić i Ivo Miro Jović.

Dom naroda, sa osam glasova „za“, dva glasa „protiv“ i tri „suzdržana“ glasa, usvojio je Izvještaj o radu Državne agencije za istrage i zaštitu (SIPA) za 2009. godinu, sa Izjašnjenjem o određenim pitanjima.

Ad.14. Izvještaj o radu Nezavisnog odbora kao nezavisnog tijela policijske strukture u BiH za 2009. godinu i Plan rada Nezavisnog odbora kao nezavisnog tijela policijske strukture u BiH za 2010. godinu

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Branko Zrno.

Dom naroda **jednoglasno je usvojio** Izvještaj o radu Nezavisnog odbora kao nezavisnog tijela policijske strukture u BiH za 2009. godinu i Plan rada Nezavisnog odbora kao nezavisnog tijela policijske strukture u BiH za 2010. godinu.

Ad.15. Informacija o stanju sigurnosti u Bosni i Hercegovini u 2009. godini

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Branko Zrno.

Dom naroda **jednoglasno je primio** k znanju Informaciju o stanju sigurnosti u Bosni i Hercegovini u 2009. godini sa sljedećim zaključkom:

„Zadužuje se Vijeće ministara BiH da, s ciljem poboljšanja postojećih zakonskih rješenja, što prije uputi u parlamentarnu proceduru prijedloge zakona navedene u dijelu Informacije koji se odnosi na mjere i radnje u prvih šest mjeseci 2010., a to se, prije svega, odnosi na: Prijedlog zakona o izmjenama i dopunama Zakona o krivičnom postupku, Prijedlog zakona o izmjenama i dopunama Zakona o sprečavanju i suzbijanju zloupotrebe opojnih droga, Prijedlog zakona o izmjenama i dopunama Zakona o graničnoj kontroli, te Prijedlog zakona o izmjenama i dopunama Zakona o Državnoj agenciji za istrage i zaštitu.“

Ad.16. Informacija o radu Tužilaštva Bosne i Hercegovine za 2009. godinu

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Sulejman Tihić, Božo Rajić, Ivo Miro Jović, Drago Ljubičić, glavni državni tužilac Milorad Barašin, dr. Božo Ljubić i Ilija Filipović.

S obzirom da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti). Zatim u drugom krugu glasanja, **sa osam glasova „za“ iz Federacije BiH i četiri glasa „protiv“ iz Republike Srpske**, Dom naroda **nije** primio k znanju informaciju o radu Tužilaštva Bosne i Hercegovine za 2009. godinu.

Ad.17. Imenovanje pet članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje su izrekli u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom, čiji je potpisnik BiH, ili drugi sud u skladu sa zakonom BiH (prijedlog liste kandidata Privremene zajedničke komisije oba doma, 30.3.2010.)

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Božo Rajić, Zoran Koprivica, dr. Božo Ljubić i Ivo Miro Jović.

Dom naroda, s **devet glasova „za“, dva glasa „protiv“ i jednim „suzdržanim“ glasom** imenovao je: **Milu Lasića, Semihu Borovac, Predraga Crnogorca, Damira Čačkovića i Milanu Škipina** za članove Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje su izrekli u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom čiji je potpisnik BiH ili drugi sud u skladu sa zakonom BiH.

Ad.18. Imenovanje vršioca dužnosti direktora Agencije za prevenciju korupcije i koordinaciju borbe protiv korupcije

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao dr. Božo Ljubić.

Dom naroda, s **devet glasova „za“ i tri „suzdržana“ glasa**, **imenovao je** zamjenika ministra sigurnosti BiH Miju Krešića za vršioca dužnosti direktora Agencije za prevenciju korupcije i koordinaciju borbe protiv korupcije. Također, usvojen je sljedeći zaključak:

„Dom naroda Parlamentarne skupštine BiH zadužuje zamjenika ministra sigurnosti BiH Miju Krešića da obavlja dužnost vršioca dužnosti direktora Agencije za prevenciju korupcije i koordinaciju borbe protiv korupcije do izbora direktora Agencije na osnovu Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, broj 103/09), a najkasnije do 1.8.2010.“

Ad.19. Utvrđivanje smjernica za djelovanje privremenim delegacijama koje, u ime Bosne i Hercegovine, učestvuju na međunarodnim skupovima – predlagač delegat Slobodan Šaraba

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Hazim Rančić i Dušanka Majkić.

Povodom rasprave o tački „Utvrđivanje smjernica za djelovanje privremenim delegacijama koje, u ime Bosne i Hercegovine, učestvuju na međunarodnim skupovima“, čiji je predlagač delegat Slobodan Šaraba, Dom naroda **jednoglasno je usvojio** zaključak koji je identičan usvojenom zaključku u Predstavničkom domu, a koji glasi:

„Do reguliranja pitanja formiranja, rada i nastupa privremenih delegacija Parlamentarne skupštine BiH u poslovnica oba doma, delegacije imaju obavezu da održe sastanak kad god je potrebno usaglasiti način zajedničkog djelovanja o pitanjima koja su na dnevnom redu međunarodnog skupa“.

Takođe je **jednoglasno** usvojen sljedeći zaključak koji je predložila delegat Dušanka Majkić.

„Dom naroda predlaže da se u cilju prevazilaženja problema oko djelovanja privremenih delegacija koje u ime BiH učestvuju na međunarodnim skupovima, prijedlog gospodina Slobodana Šarabe, ponovo vrati Komisiji za vanjsku i trgovinsku politiku, carine, saobraćaj i komunikacije, kako bi ista predložila dopunu člana 10. Pravilnika o međunarodnim odnosima PSBiH, čime bi se ubuduće spriječili nesporazumi u radu privremenih delegacija“.

Ad.20. Prijedlog za imenovanje članova iz Doma naroda u Interresornu radnu grupu koja bi radila na izmjeni (akt Ministarstva pravde BiH):

- Zakona o ministarstvima i drugim organima uprave BiH,
- Zakona o Vijeću ministara BiH,
- Zakona o državnoj službi u institucijama BiH,
- Zakona o reviziji institucija BiH,

- Zakona o upravi,
- Zakona o javnim nabavkama BiH.

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je imenovao sljedeće članove iz** Doma naroda u Interresornu radnu grupu:

- a. **Almu Čolo** za Zakon o ministarstvima i drugim organima uprave BiH i Zakon o Vijeću ministara BiH,
- b. **Ivu Miru Jovića** za Zakon o državnoj službi u institucijama BiH i Zakon o upravi,
- c. **Zorana Koprivicu** za Zakon o reviziji institucija BiH i Zakon o javnim nabavkama BiH.

Ad.21. Davanje saglasnosti za otkazivanje Evropske konvencije o zaštiti arheološke baštine, usvojene u Londonu 6.5.1969.

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je dao saglasnost** za otkazivanje Evropske konvencije o zaštiti arheološke baštine, usvojene u Londonu 6.5.1969.

Predsjedavajući Doma naroda otvorio je raspravu o ovim tačkama dnevnog reda. Nije bilo delegata prijavljenih za raspravu. Dom naroda jednoglasno je dao saglasnost za ratificiranje:

Ad.22. Sporazuma o vojnom grantu između Vijeća ministara BiH i Vlade Republike Turske, Provedbenog protokola o finansijskoj pomoći između Ministarstva odbrane BiH i Generalštaba Republike Turske i Logističkog provedbenog protokola između Ministarstva odbrane BiH i Generalštaba Republike Turske;

Ad.23. Sporazuma o finansiranju i projektu između KfW-a, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća “Elektroprivreda Hrvatske zajednice Herceg-Bosne” d.d. Mostar (EPHZHB) za projekat „Dopunske mjere za Vjetroelektranu 'Mesihovina'“;

Ad.24. Evropske povelje o regionalnim i manjinskim jezicima – Strasbourg, 5.11.1992.;

Ad.25. Sporazuma između Vijeća ministara BiH i Vlade Republike Francuske o saradnji u oblasti unutrašnje sigurnosti;

- Ad.26. Sporazuma o zajmu između Bosne i Hercegovine i Evropske banke za obnovu i razvoj – Projekat plinifikacije Srednjobosanskog kantona;**
- Ad.27. Protokola o vodi i zdravlju uz Konvenciju o zaštiti i korištenju prekograničnih vodotoka i međunarodnih jezera iz 1992.;**
- Ad.28. Ugovora između Bosne i Hercegovine i Svete Stolice o dušebrižništvu katoličkih vjernika, pripadnika Oružanih snaga Bosne i Hercegovine;**
- Ad.29. Sporazuma o zajmu između Bosne i Hercegovine i Međunarodne banke za obnovu i razvoj – Projekat za otpadne vode u Sarajevu;**
- Ad.30. Sporazuma o zajmu i projektu KfW, Frankfurt na Majni, i Bosne i Hercegovine i Federacije Bosne i Hercegovine i Javnog preduzeća “Elektroprivreda Hrvatske zajednice Herceg-Bosne” d.d. Mostar za projekat „Vjetroelektrana 'Mesihovina'“.**

Sjednica je završena u 15,20 sati.

Sastavni dio ovog zapisnika je neautorizirani transkript 47. sjednice Doma naroda.

SEKRETAR
DOMA NARODA
Marin Vukoja

PREDSJEDAVAJUĆI
DOMA NARODA
Sulejman Tihić